

Ko na kanga ni karekea te buoka ibukia ake a katai mwakuri rinanon te Pacific Engagement Visa (PEV)

E a tia te Australian Government katea te rabwata n ibuobuoki ae akea boona ibukin buokaia aaba aika a rinnako n te burokuraem aei, ni buokiia taan bubuti ake a rineaki man te barota bwa a aonga n reke aia mwakuri i Australia. Bukin aio bwa ko aonga ni kona n ira te kaini-baire ibukin te kamwakuri ibukia kain te Betebeke ake a reke nte PEV. Taiaoka kabongana te beeba aio bwa buokam n ota raoi iaon te waaki n ibuobuoki ae katauraoki aio.

? Tera raoi buokan te kareke mwakuri rinanon te PEV?

Te buoka ibukin te kareke mwakuri rinanon te PEV e katauraoki aika a kakawaki ma kairan kawai aika ana buokiko n ota n ana mwakete ni kamwakuri Australia, karikirakea am konabwaiam konabwai ni kakae mwakuri, ao ni katomako ma taan kamwakuri i Australia.

✓ Buoka aika a tauraoi

Te buoka ae ko kona ni karekea:

- Te katauraoki nakon te mwakuri ao katein te tabo ni mwakuri – te buoka ibukin kakae te mwakuri ao ataakin tein katein te mwakuri i Australia
- Karikiraken te konabwai iaon te kakae mwakuri – maroro n reirei iaon te intanete a kakorakora buokam ni kona ni bon karaoa am kakae mwakuri i bon irom, n ikotaki ma arom n reitaki ma taan kamwakuri, ataakin kawai ibukin te kakae mwakuri, ao ai angam ni kaitarai kanganga aika a kabuta
- Te toma ma te tia kamwakuri – e reitiko ma taan kamwakuri aika a tau ibukin am konabwai
- Te reirei iaon rongorongon te mwakuri – rongorongon ana mwakete ni kamwakuri Australia, mwakuri aika a tauraoi n taabo aika a kakaokoro, ao ai rongorongon karaoan te beeba ae kaota arom, am

konabwai ao mwin am reirei, am reta ni kan mwakuri, ao ai katauraoki nakon kaekaan aia titiraki taan kamwakuri

- Buokan te reitaki ma te tia kamwakuri – aanga ma buoka iaon aron te reitaki ma taan kamwakuri ibukin taekam bwa te tia kata te PEV ngkoe.

➡ Karekean te buoka ibukin te karekemwakuri rinanon te PEV

Ko kona ni karekea te buoka ibukia taan kareke mwakuri rinanon te PEV inanon:

➡ Meeri nakoira nte intanete iaon
employment@pevsupport.com.au

💬 Te kabaeara ibukin te te reirei iaon karekean te buoka ibukia ake a kan karekea aia mwakuri iaon pev.gov.au

Ngkana ko kanakoa am meeri nakoira rinanon te intanete, ao ane ena roko boona ae tawe ae kaota rongorongon te waaki ni ibuobuoki aio ma taian tabo aika a kona riki n reke iai itera n ibuobuoki ibukin katauraoki ni moanakin am kakae mwakuri. Ana buoka te PEV ibukin te kareke mwakuri aio e na manga bon kaekaa am meeri imwina ae nakon 7 te bong ni mwakuri maanna.

M'anangan te tia kata te mwakuri

Aio bon katamneian tein kawai aika kakaokoro ibukin are e karekea te buoka aio man te PEV aika e na kona n rinanoi. Ma e ngae n anne, a bon okoro, ao am tanneiai e na bon bae naba n kaokoro. Aio ibukina bwa te buoka ibukin te kareke mwakuri rinanon te PEV e bon bibitaki – buoka n rinaniia nako a kona n katauraaki, ao mwaneka a kona n kibaraki ke n kaokiokaki n kaineti ma kainnanom.

1 Te tia kata te mwakuri e na kakoauaaki

2 E na ira te reirei te tia kata te mwakuri iaon karekean beeban kariaiakan te mwakuri

3 E na ira te reirei ni maroro iaon te intanete ibukin karekean buoka iaon te mwakuri

4 E a tuangaki bwa tera are imwina: Inaomatam ma am riai ao ai booma ni kariaia

5 Te tia kata te kareke mwakuri e ira te angareirei iaon katauraan aika a kainanoaki bwa katauraia nakon te mwakuri

6 E a kanoai man kaekai taian titiraki aika a kaineti nakoina

7 Ao E a rinakoa te waaki iaon te mwakuri E a nako kain te kabotau mwakuri

8

E a reke iroun te tia kata te kan mwakuri te buoka ibukin kaekaan aia titiraki taan kateirake, te katauraai ao tuoan aika a kainanoaki imwain te mwakuri, ao ai te boraraai ibukin te mwakuri

9

Te tia kata te kan mwakuri e a ira te reirei ni maroro imwain te mwananga

E teimatoa ana ibuobuoki te PEV ibukin kairan kawaim ma buokam inanon kataan karekean am mwakuri. E ngae ngke ti kona n reitiko ma taan kamwakuri iaon Australia, kam bon kaungaaki bwa kam na bon reitanako kakaeami mwakuri ibon iroumi. Bon man am kekeiaki ma am botumwaaka ao ara boutoka, e na kona n reke am mwakuri ae tamaroa ao n tauraai nakon te maeka iaon Australia.



Maanin tain te kaeka

- Imwin reitakim ma te tabo ni buoka karekean te mwakuri man te PEV rinanon te meeri nte intanete, e na roko te kaeka ae tawe ni kaotia bwa e roko am meeri, ao e na oki kaekaana inanon 7 te bong ni mwakuri. Taiaoka reitaki nakoira ngkana e aki roko te kaeka imwin te tai are ko tuangaki
- Imwin banen kaekaan taian titiraki ibukia taan kakae mwakuri, tina bon manga okiriko ni kaongoko ngkana e a reke te mwakuri ae kaineti ma are ko iangoia. Inanon am tai n tataninga reken te mwakuri ae botau ma am konabwai, ti bon kaungako naba bwa kona teimatoa ni kakaenako riki taian mwakuri boni iroum.



Kabwanina riki rongorongon ana buoka te PEV ibukin te kareke mwakuri iaon pev.gov.au

Iaon ara iteraniba nte intanete, ko kona ni kakaei riki anga n ibuobuoki aika a tauraai n ikotaki ma taian rongorongo n ibuobuoki ao beeban karaan korean taekan arom, am konabwai ma mwin am reirei. Ko kona naba ni kabaea aram n irakin te angareirei iaon te kareke mwakuri ao ni kaotako riki iaon aron kakae te mwakuri iaon Australia.

